



KEMENTERIAN PERDAGANGAN DALAM NEGERI
DAN KOS SARA HIDUP



BERITA

24 JAM

KPDN

KERATAN AKHBAR & BERITA ONLINE

Untuk makluman:

- YB Menteri
- YB Timbalan Menteri
- YBhg. KSU
- YBhg. TKSU (PPDN)
- YBhg. TKSU (PP)
- Setiausaha Akhbar

Tarikh: 26 Februari 2025



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

KPDN



UNIT KOMUNIKASI KORPORAT

Harga santan naik: KPDN buka tiga kertas siasatan, keluarkan 47 notis

PUTRAJAYA - Kementerian Perdagangan Dalam Negeri Dan Kos Sara Hidup (KPDN) telah membuka tiga kertas siasatan serta mengeluarkan 47 notis ke atas peniaga kelapa dan santan kelapa yang didapati menaikkan harga.

Ketua Pengarah Penguat Kuasa Datuk Azman Adam berkata, KPDN mengambil maklum berkaitan isu kenaikan harga kelapa biji, kelapa parut dan santan kelapa di Semenanjung dan melaksanakan tindakan penguatkuasaan di bawah Akta Kawalan Harga dan Antipencatutan 2011 [Akta 723].

"Setakat ini, sebanyak 47 notis di bawah Seksyen 21 Akta 723 telah dikeluarkan ke atas peniaga kelapa dan santan kelapa yang didapati telah menaikkan harga.

"Tiga kertas siasatan telah dibuka ke atas peniaga yang disyaki melakukan kesalahan di bawah akta terbabit.

"Bahagian penguat kuasa juga telah mengeluarkan arahan hadir ke atas dua buah syarikat pengeluar santan, susulan pengumuman kenaikan harga oleh kedua-dua syarikat tersebut,"



AZMAN



Bagi memastikan tiada pihak yang mengambil kesempatan di atas isu kekurangan kelapa di pasaran, KPDN telah membuat pemeriksaan menyeluruh di pelbagai peringkat rantaian.

katanya dalam satu kenyataan pada Selasa.

Bagi memastikan tiada pihak yang mengambil kesempatan di atas isu kekurangan kelapa di pasaran, beliau berkata Bahagian Penguat Kuasa KPDN telah membuat pemeriksaan menyeluruh di pelbagai peringkat rantaian.

"KPDN akan meneruskan pemantauan dan penguatkuasaan bagi memastikan pengguna tidak terbeban dengan kenaikan harga tersebut.

"KPDN juga ingin memberi-

kan amaran keras kepada mana-mana pihak agar sentiasa mematuhi perundangan yang telah ditetapkan," katanya.

Azman berkata, individu yang didapati melakukan kesalahan berkaitan pencatutan boleh diambil tindakan di bawah Akta 723.

Beliau berkata KPDN telah menyusuli perkara ini dengan Kementerian Pertanian dan Keterjaminan Makanan (KPKM) dan pemain-pemain industri, bagi mengadakan perbincangan lanjut dalam menangani isu bekalan kelapa yang menyumbang kepada kenaikan harga santan kelapa di pasaran. - *Bernama*

(吉隆坡25日讯) 国内贸易及生活费部已针对椰子及椰浆价格上涨问题展开3项调查，并向相关商家发出47份通知，以确保商家遵守价格管制规定。

国内贸易及生活费部执法总监拿督阿兹曼今日发文告指出，政府已注意到西马地区椰子、刨丝椰子及椰浆价格上涨的情况，并已根据2011年价格统制及反暴利法令采取执法行动。

传召2椰浆生产公司

“截至目前，我们已依据2011年价格统制及反暴利法令第21条文，向涉及涨价的椰子及椰浆商家发出47份通知。同时，我们也针对3家涉嫌违法的商家展开调查。”

此外，当局也已传召两家椰浆生产公司，要求其解释近期宣布的涨价一事。

为防止不法商家趁市场椰子短缺之机牟取暴利，国内贸易及生活费部执法局已深入调查整个供应链，确保市场价格透明，避免消费者承受过度负担。

“内贸部将持续监督和执法，并对任何违反法律的商家采取严厉行动。”

阿兹曼强调，任何涉及哄抬物价的个人或企业，均可根据2011年价格统制及反暴利法令受到法律制裁。

他补充，内贸部已与农业及粮食安全部及相关行业代表跟进此事，并展开进一步讨论，以解决椰子供应问题，稳定市场价格。

內貿部查椰子椰漿漲價

向商家發47通知

椰子椰漿漲價調查 商家接47警告



(吉隆坡25日讯) 国内贸易及生活成本部针对椰子及椰浆价格上涨问题展开3项调查, 并向商家发出47份警告, 以确保商家遵守价格管制规定。

该部执法主任拿督阿兹曼今日发文告指出, 政府已注意到西马地区椰子、刨丝椰子及椰浆价格上涨的情况, 并已根据2011年价格统制及反暴利法令采取执法行动。

“我们已依据2011年价格统制及反暴利法令第21条文, 向涉及涨价的商家发出47份警告。同时, 我们也针对3家涉嫌违法的商

■近期椰子及椰浆价格上涨, 引起关注。(档案照)

家展开调查。”

他说, 当局也已传召两家椰浆生产公司, 要求解释近期宣布涨价一事。

他指出, 为防止不法商

家趁市场椰子短缺之机牟取暴利, 该部执法组已深入调查整个供应链, 确保市场价格透明, 避免消费者承受过度负担。



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

UMUM



UNIT KOMUNIKASI KORPORAT

Guna AI jejak beras putih tempatan bersubsidi 'ghaib' di pasaran

PUTRAJAYA - Kementerian Pertanian dan Keterjaminan Makanan (KPKM) menggunakan teknologi kecerdasan buatan (AI) bagi menjejaki secara langsung beras putih tempatan (BPT) bersubsidi di pasaran.

Ketua Pengarah Kawal Selia Padi dan Beras, Datuk Badrul Hisham Mohd berkata, langkah tersebut diambil bagi mengatasi isu beras 'ghaib' dari pasaran dan dimanipulasi oleh pihak tidak bertanggungjawab.

"Sistem pengesanan ini dibangunkan oleh syarikat tempatan bagi mengesan setiap jejak beras dari destinasi A kepada B," katanya dalam sidang akhbar di sini, pada Selasa.

Menurutnya, sebuah bilik *war room* yang ber-

operasi selama 24 jam sehari diadakan bagi melakukan penjejakan dan pengesanan BPT bersubsidi.

"Ia seperti kod QR, tetapi lebih *advance* daripada itu. Kami tidak boleh umumkan di sini," jelas beliau.

Ujarnya, penguatkuasaan dan kawalan ke atas BPT bersubsidi menggunakan dua lapisan termasuk Agensi Regulatori dan Penguatkuasaan Agro Makanan Malaysia (MAREA) yang baru ditubuhkan dan diluluskan oleh Kabinet pada 7 Februari lalu.

"Saya tidak boleh jamin seratus peratus kerana tidak boleh lari dari kelemahan di sini atau di sana.

"Seramai 1,200 anggo-

ta MAREA turut terlibat dengan penguatkuasaan dan kami yakin dengan kapasiti itu ditambah pula sistem AI, ia dapat dikawal," kata beliau.

BPT sukar diperoleh di pasaran berlarutan sejak dua tahun lalu walaupun Kementerian giat melaksanakan rombakan strategi melalui pelaksanaan reformasi industri padi dan beras.

Sebelum ini, Timbalan Menteri Perdagangan Dalam Negeri dan Kos Sara Hidup (KPDN), Fuziah Salleh memberi bayangan kemungkinan terdapatnya penglibatan kartel dalam industri tersebut termasuk penyalahgunaan kedudukan dominan mana-mana syarikat yang mengawal bekalan benih dan import.



Sistem pengesanan beras putih tempatan dibangunkan oleh syarikat tempatan bagi mengesan setiap jejak beras dari destinasi A kepada B.

Beras tempatan 10kg RM26 di pasaran 1 Mac

Bekalan untuk enam bulan hanya dijual kepada 400,000 keluarga miskin

Oleh Iskandar Ibrahim
bhnews@bh.com.my

Putrajaya: Sebanyak 24 juta kampil 10 kilogram (kg) Beras Putih Tempatan (BPT) bersubsidi mula memasuki pasaran di seluruh Semenanjung, mulai 1 Mac ini.

BPT bersubsidi pada harga RM26 untuk pek 10kg itu akan dijual menerusi projek rintis untuk tempoh enam bulan dengan menyasar 400,000 ketua isi rumah (KIR) miskin, termasuk 77,000 KIR miskin tegar.

Ketua Pengarah Kawal Selia Padi dan Beras, Datuk Badrul Hisham Mohd, berkata BPT itu hanya akan dijual kepada 400,000 keluarga miskin dengan dua pek bagi setiap KIR.

"Kerajaan sebelum ini sudah mengumumkan untuk membuat intervensi dengan subsidi khusus sebanyak RM150 juta bagi tempoh enam bulan.

"Jadi BPT bersubsidi ini akan mula berada di pasaran bermula 1 Mac, iaitu pada hari pertama Ramadan dan akan berakhir pada 31 Ogos ini, untuk tempoh enam bulan," katanya pada sidang media di sini, semalam.

Sebelum ini, Menteri Pertanian



Badrul Hisham (tengah) pada sidang media di Putrajaya, semalam.

(Foto Mohd Fadli Hamzah/BH)

dan Keterjaminan Makanan, Datuk Seri Mohamad Sabu dalam kenyataan di Dewan Rakyat memaklumkan kerajaan memperuntukkan RM150 juta bagi memastikan bekalan BPT mencukupi di pasaran.

Beliau dilaporkan berkata, peruntukan terbabit susulan penetapan harga lantai belian padi diselaraskan daripada RM1,300 kepada RM1,500 bagi setiap tan.

2 kampil setiap pembelian

Mengulas lanjut, Badrul Hisham berkata, setiap KIR hanya dibenarkan membeli dua kampil beras bagi setiap pembelian dengan arahan khusus tatacara penjualan beras akan diberikan kepada setiap peruncit untuk memastikan bekalan berkenaan dijual kepada mereka yang disasarkan.

Katanya, bekalan itu boleh didapati di 36,000 peruncit berlesen dengan tumpuan antaranya di kawasan miskin bandar.

Ditanya bagaimana pihaknya akan memastikan bekalan BPT terbabit hanya akan dibeli golongan yang disasarkan, beliau sekadar berkata, keutamaan diberikan kepada golongan miskin dan miskin tegar.

"Untuk (BPT) subsidi ini, setiap kampil beras dijual pada satu harga sahaja, iaitu RM26 sekampil 10kg, bagi memastikan tiada manipulasi oleh mana-mana pihak.

"Kita sedar ada *pro and cons*, kali ini kita bergerak menggunakan kaedah sedia ada, kita tidak mengganggu jenama yang sudah ada di pasaran tetapi dari segi kawalan, kita menggunakan

dua lapisan iaitu pertama secara organik iaitu pemantauan serta penguatkuasaan dan kedua akan ada tag keselamatan," katanya.

Dalam pada itu, beliau berkata, biarpun BPT akan berada di pasaran 1 Mac ini, pihaknya merancang mengadakan jualan bekalan berkenaan lebih awal, iaitu pada Khamis ini menerusi Program Jualan Agro MADANI di Kedah yang akan disempurnakan oleh Perdana Menteri, Datuk Seri Anwar Ibrahim.

Katanya, pada program berkenaan, 20,000 kampil BPT akan dijual kepada kira-kira 7,000 pengunjung yang dijangka menghadiri program berkenaan.

"Maka, mereka sudah boleh menikmati (BPT) daripada jualan Agro MADANI itu," katanya.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN

BERITA ONLINE BERTARIKH 26 FEBRUARI 2025

TARIKH	TAJUK	PAUTAN	MEDIA
26-Feb	Harga santan kelapa naik: KPDN buka 3 kertas siasatan, keluar 47 notis	https://www.sinarharian.com.my/article/714726/berita/semasa/harga-santan-kelapa-naik-kpdn-buka-3-kertas-siasatan-keluar-47-notis#google_vignette	SINAR HARIAN
26-Feb	Kenaikan Harga Santan Kelapa: KPDN Buka Tiga Kertas Siasatan, Keluarkan 47 Notis	https://www.bernama.com/bm/am/news.php?id=2396379	BERNAMA
26-Feb	Kelapa, santan naik harga: KPDN keluar 47 notis kepada peniaga	https://www.utusan.com.my/nasional/2025/02/kelapa-santan-naik-harga-kpdn-keluar-47-notis-kepada	UTUSAN MALAYSIA
26-Feb	Coconut price hike: KPDN opens three investigation papers, issues 47 notices	https://thesun.my/malaysia-news/coconut-price-hike-kpdn-opens-three-investigation-papers-issues-47-notices-KG13735609#google_vignette	THE SUN
26-Feb	Coconut price hike: Ministry opens three investigation papers, issues 47 notices	https://www.thestar.com.my/news/nation/2025/02/25/coconut-price-hike-ministry-opens-three-investigation-papers	THE STAR
26-Feb	KPDN, JAKIM pertimbang keperluan naikkan hukuman	https://www.astroawani.com/videos/video-terkini-x7sio1/kpdn-jakim-pertimbang-keperluan-naikkan	ASTRO AWANI
26-Feb	Logo Halal: KPDN bincang Jakim keperluan naikkan hukuman	https://www.astroawani.com/videos/video-terkini-x7sio1/awani-ringkas-logo-halal-kpdn-bincang-jakim-keperluan-naikkan	ASTRO AWANI